



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Neira Dizdarević

Zastupnica u Skupštini Kantona Sarajevo
Sarajevo, 18.05.2020.

Dostaviti:

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo
Uputiti: Ministarstvo zdravstva Kantona Sarajevo
Zavod zdravstvenog osiguranja KS

PREDMET: ZASTUPNIČKA INICIJATIVA – NEZADOVOLJSTVO ODGOVOROM

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12) izražavam nezadovoljstvo odgovorom na ranije dostavljenu zastupničku inicijativu (dopis ZZO KS br 01-33-5-4070-20 A.S. od 12.03.2020.), uz slijedeće obrazloženje:

OBRAZLOŽENJE:

U vezi sa Inicijativom za izmjene i dopune postojeće **Odluke o ličnom učešću osiguranih lica u troškovima korištenja zdravstvenih usluga i snošenju troškova liječenja na teritoriji Kantona Sarajevo**, na koju je je Zavod zdravstvenog osiguranja Kantona Sarajevo dostavio svoj odgovor, može se zaključiti slijedeće:

- Zavod prihvata izmjenu terminologije koja je korištena u navedenoj Odluci u članu 4.stav 1. tačka 11. gdje bi se umjesto osobe sa psihosenzornim smetnjama i posebnim potrebama kako je navedeno, stavilo **osobe sa poteškoćama u razvoju** kako je navedeno predmetnom inicijativom.
- Zavod ne prihvata dodavanje nove tačke koja bi obuhvatala oslobađanje troškova liječenja za **članove uže porodice i staratelji osoba sa poteškoćama u razvoju**, iz razloga jer se ista odnosi na širok spektar obaveza i prava osiguranika.

Međutim, imajući u vidu činjenicu da veliki broj porodica koje imaju u svom domaćinstvu dijete ili odraslu osobu s poteškoćama u razvoju, živi na rubu socijalne egzistencije, gdje u velikom broju slučajeva nemaju mogućnost zadovoljiti osnovne

egzistencijalne potrebe, usljed kupovine lijekova, ali i povećanih troškova i uslova života koje za sobom donosi skrb nad djetetom, članovi uže obitelji nisu u mogućnosti obaviti neophodne preglede, iz razloga finansijske nemogućnosti participiranja istih, te tako dovode u opasnost svoje zdravlje i svoj život.

S druge strane, obzirom da su od ličnog učešća u troškovima zdravstvene zaštite oslobođeni članovi uže porodice vojnih invalida kojima je priznato pravo na dodatak na njegu i pomoć od strane drugog lica, ovime dolazimo do direktne diskriminacije osoba s invaliditetom čiji je invaliditet civilni, a ne ratni, obzirom da invaliditet treba tretirati jednako, bez obzira na način kako je nastao, što je u skladu sa svim pravno obavezujućim dokumentima kako međunarodno pravnim propisima tako i domaćim pozitivnim zakonodavstvom.

- Zavod prihvata izmjenu člana 5.stav 1. tačka 4. Odluke koja se odnosi na banjско liječenje RVI, koji 60 % - 100% imaju pravo na banjско liječenje svake treće godine. Isto je traženo za ostale osobe sa invaliditetom, što je prihvaćeno, uz obrazloženje da se isto već implementira u praksi iako nije propisano navedenom Odlukom, što je neophodno zbog pravne sigurnosti svih osoba s invaliditetom.

S druge strane, imajući u vidu stepen invaliditeta i visinu i težinu poteškoća ovih osoba, odobravanje banjskog liječenja svake treće godine je nedovoljno, tako da bi se ovo pitanje moralo riješiti makar na godišnjem nivou, i to da se svim osobama s 100% invaliditetom odobri banjско liječenje svake godine, osobama s 80% i 90% invaliditetom svake druge godine, a osobama s invaliditetom 60% i 70% svake treće godine, bez obzira na uzrok i način nastanka invaliditeta.

- Zavod se poziva na član 90. Zakona o zdravstvenom osiguranju FBiH kojim je propisano da se sredstva ličnog učešća osiguranih lica može se utvrditi za određene vidove korištenja zdravstvene zaštite na osnovu propisa koje donosi zakonodavno tijelo kantona na prijedlog kantonalnog zavoda osiguranja. Pri donošenju propisa o visini iznosa, te kriterija i načina učešća osiguranih lica u korištenju zdravstvene zaštite uzimaju se u obzir socijalne prilike osiguranih lica i obim raspoloživih sredstava za finansiranje obaveznog zdravstvenog osiguranja.

Međutim, i ova odredba je ostavljena na procjenu i mogućnosti u okviru pojedinih kantona, što je opet nedovoljno za zdravstvenu sigurnost osoba s invaliditetom, a posebno članova njihovih porodica.

- Slijedeće, Zavod je mišljenja da se u skladu Odlukom o utvrđivanju osnovnog paketa zdravstvenih prava FBiH i Odlukom o maksimalnim iznosima neposrednog učešća osiguranih lica u troškovima korištenja pojedinih vidova zdravstvene zaštite u osnovnom paketu zdravstvenih prava FBiH, gdje je regulisano da vlada kantona na prijedlog kantonalnog ministra zdravstva može da utvrdi i niže iznose participiranja od navedenih u Odluci da je nadležni organ za utvrđivanje kantonalne odluke o neposrednom učešću Vlada KS, na prijedlog resornog kantonalnog ministarstva, što znači da je neophodno da Vlada, odnosno nadležno ministarstvo da svoje mišljenje povodom navedene inicijative.

U skladu s naprijed navedenim, smatram da zahtjevi unutar predmetne inicijative trebaju i moraju biti riješeni, te da se istim mora udovoljiti jer se radi o pitanjima osnovnih potreba i prava osoba s invaliditetom i njihovih porodica i to u okviru nadležnih kantonalnih institucija (Vlada KS, resorno ministarstvo, Zavod zdravstvenog osiguranja KS).

S poštovanjem,

Neira Dizdarević

Zastupnica u Skupštini Kantona Sarajevo